

Le Grup Decanal cun i Grups di Jogn inviëia al'edema di jogn 2018
Lönesc, 27/08, dales 20.00: Mëssa sö Oies, organisadus grup di jogn da Badia
Dedolönesc, 28/08, dales 19.30: Torné da chidlé y batadú a Al Plan, chidlara
 Roncac, organisá dai grups di jogn da Al Plan, La Plí y Rina
Dedemesaledema, 29/08, dales 19.30: Curs de pröm aiüt a La lla tl Zënter dla
 Jonëza SaJ.un, organisé dal grup di jogn da La lla
Jöbia, 30/08, dales 20.00: Referat tl local di jogn a San Ciascian "Laura y Verena
 n'es cunta de sües esperiënzes tl'Africa", organisadus grup jogn da S. Ciascian.
Vëndres, 31/08, dales 20.00: Füch alaleria ite dal lech di peiapesc a Lungiarü:
 organisé dai grups di jogn da La Val y Lungiarü
Sabeda, 01/09: dales 20.00: a Badia: Summerend Concert
 dales 21.00: tla dlíja da San Martin: concert dl cor di jogn ProVoxis
Domënia, 02.09: dales 4.45: pian ia da Pé de Börz sön chi Jus d'Alfarëi a ciaré le
 luvé de surëdl, organisé dai grups di jogn da Calfosch y Antermëia.

Ai 6, 7 y 8 de novëmber a Oies curs de trëi ores al de: introduziun a na forma
 vedla de oraziun cristiana "perié tl chît" (www.ruhegebet.de) cun pater Cyrill
 Greiter OCist. Info y iscriziuns cina ai 31 d'agost a 338 13 00 787 (Renate P.)

Preparaziun al Bato, ai 08/09, dales 15.00-17.00 a La Val. Prenot. 328 07 17 796.

SAN MARTIN: Pro le marcé di pöresc él gnü ite 5.178 euro. Dër bel dilan a chi
 che á daidë arjigné ca y mëta y a jí le marcé y a düc chi che á porté patüc y é gnüs
 a cumpré valch. Dilan ai stödafüch che nes á lascé debann le local y ala Cassa
 Raiffeisen por i placac. *Le consëi de cöra y les uniuns che á colauré*

Dilan dles ofertes por la defunta Maria Fiung Rives: da Rives Martin y families, la
 fiocia Ida Erlacher, Irmgard Trebo, fam Stachio Erlacher, Vijinanza da Picolin,
 fam. Vanzi Paolo y Daniela, fam. Videsott Pepi, fam. Ploner, Picolin, dita Moling.

LUNGIARÜ: La Uniun di Seniors inviëia düc en domënia, ai 2 de setëmber, a na
 spazirada sön Börz ia dai pra de Spütia. I piun ia da Lungiarü cun la coriera dales
 8.59 y gnun indô da Börz demez dales 14.24. Iade y marëna se paia düc instësc.

La Uniun di Eï da Lungiarü organisëia n peregrinaje a Weißenstein la domënia ai
 30 de setëmber. Tignisse lëde chësc de. Plü inant ciafëise informaziuns plü avisa.

Sce nüsc antenac é stá bugn da fá sö n te bel ciampaní sciöch'i un la fortuna da
 l'avëi, él ince nosc dovëi da le mantigni! Scioche tröc sá ël debojëgn da fá le tët
 danü; do 110 agn de vita ál metü man da se destaché y da tomé jö plates. Pro i
 laurs dl tët vëgnel ince sistemé le gran üsc, sblancoié le ciampaní, dotoré les
 finestres dles ciampanes y fat d'atri laurs pro la dlíja. Indöt él n preventif de
 125.000 € che gnará curí con 45.000 € dala Provinzia, 32.000 € dal Comun,
 20.000 € dala Cöra y 5.000 € dala Coop. SEA, a chi ch'i ti dijun bele sëgn nosc
 gran dilan. Por curí la romagnënza di cosc de ca 23.000 € periunse dër bel dōta
 la comunité do spënores ch'i periun da paié ite tla Cassa Raiffeisen söl cunt dla
 Cöra IBAN: IT 63 K 08010 58830 000304004931 SWIFT-BIC: RZSBIT21408
 I ves dijun bel damperfora n gran dilan. -----

Assoziaziun Turistica:

Jöbia, 30/08, dales 21.00: concert dla Musiga paiun S. Martin

Vëndres, 31/08, dales 21.00: sëra cun l'Uniun Bal Popular a Lungiarü



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
 redaziun: anton.gasser@rolmail.net - 348 27 44 517 / 0474 523 194

26.08. – 02.09.18 nr. 39

ultimo termo por comunicaziuns: jöbia dales 20.00
 radio: 90,40 / 93,70

21^a DOMËNIA – Ann B

Vangele do Jan 6, 60-69

Al n'ê tröc di discepu de Gejü che ti ascutâ pro, che dijô:

Chëstes é parores döres. Chê é pa bugn da les capî?

Gejü conesciô che sü discepu groforâ porsura,

y i à damanè: Se scandalisëise por chësc?

Les parores ch'i ves à dit é spirit y vita.....

Degügn ne sciafia da gnü da më, sc'al ne ti é nia dè dal Pere....

Sön chëra s'á tröc discepu retrat

y ne jô nia plü incërch cun ël.

Dailò à Gejü damanè i dodesc:

Orëise ince os s'un jî?

Scimun Pire ti à respognü:

Signur, da chë désson pa jî?

Tö as parores de vita eterna.

Y nos cherdun y conesciun:

Tö es le Sant de Dî.



Tla schira di discepu incër Gejü él na gran crisa.

I un aldí ti vangeli dles domënies passades che Gejü á dit:

"Iö sun le pan che é gnü jö dal cil."

y "Sc'i ne mangëis nia la cern dl Fi dl Om

y ne boiëis nia so sanch, ne n'ëise nia la vita te os."

Él Gejü che ghira n pü' demassa dala fede di discepu?

Te chësta crisa é rovada la comunité por chëra che San Jan scrí so vangele,

y bëgn vigni comunité da incò che se damana sinziermënter:

"Nes invel pordërt Gejü plü co döt l'ater?"

Canche Gejü vëiga che tröc n'ê nia bugn da dlotí sües parores

ne lascel do nia y ne ti la fej nia plü saurida, mo damana: Orëise ince os s'un jî?

Co se sintiunse pa nos, sce de bugn amisc nes lascia? N'unse fat val' nia de dërt?

Co nes sál pa sce porsones dlungia nos s'un stá bel plan demez dala dlíja?

Raporc d'amur mëss soporté la provocaziun, zënza resta l'amur pice y debl.

L'amur n'ê nia n jüch da tó ala lisiera.

	SAN MARTIN	LUNGIARÜ	
26.08.18 21^a DOMËNIA – Ann B	9.00 Corona 9.30 Gran Mëssa por la comunité y benedisciun dl tëmp 3 ^a de sopoltöra de Maria Fiung Rives dl ann + Monica Vittur Tolpeit	7.55 Corona 8.15 Gran Mëssa por la comunité y benedisciun dl tëmp 15.00 Corona tla capela de S. Ujöp Fr.	Oste gñi cun me? Prëibel fá na crusc: ☐ scé ☐ nou ☐ magari „Oste gñi cun me?“ Cun na te domanda mët man gonot le pröm amur. Idî nes dëides ch'i respognunse de scé ala lëtra dl amur divin. y ch'i gñunse sura: Zënza te ne sunsi nia bun da vire! ----- Te Gejú Crist imparunse da conësce Chël Bel Dî: súa domanda pó nes atoché ince incö te na manira döra te nostes ligrëzes y te nostes soferënzes, te nostes speranzas y te nüsc fistidi. ----- Pire stlûj ite te súa resposta tambëgn la desfidënza co la confidënza de chi discepui che é romagnüs cun Gejú: „Signur, da che déssun pa jì? Tö as parores de vita eterna. Y nos cherdun y conesciun: Tö es le Sant de Dî.“
27.08.18 Lönesc <i>Monica, Gebhard</i>			
28.08.18 Dedolönesc <i>Agostin, Elmar, Linda</i>	19.30 Mëssa + Martin Dasser (dl ann) + + Franz y Cristina Conrater		
29.08.18 Dedemesaledema <i>Decapitaziun de San Jan, Sabina</i>		7.30 Mëssa + Vito Clara + Oliva Clara Irschara	
30.08.18 Jöbia <i>Gaudenzia, Rebeca</i>	7.30 Mëssa + Giovanni Tavella + Sepl Ferdigg (dl ann) Corona por vocaziuns		
31.08.18 Vëndres <i>Ujöp d'Arimatea, Nicodem</i>	19.00 Adoraziun chîta 19.30 Adoraziun deboriada	7.30 Mëssa por Sepl Clara, Somví dl ann + Milia Mischi Clara	
01.09.18 Sabeda De dla Creaziun <i>Verena, Rut</i>	15.30 Mëssa tla Ciasa de Palsa 18.30 Mëssa prefestia fam. Peter Videsott + Giovanni Flöss y familia Flöss 21.00 Conzert dl cor di jogn ProVoxis	20.00 Mëssa prefestia + Veneranda Schanung Clara + Daniele Pezzei, Ghestan	
02.09.18 22^a DOMËNIA – Ann B Domënia di Agnui Custodi	9.00 Corona 9.30 Gran Mëssa en onur di Agnui Custodi y benedisciun dl tëmp	7.55 Corona 8.15 Gran Mëssa en onur di Agnui Custodi y benedisciun dl tëmp 15.00 Corona tla capela de S. Ujöp Fr.	